

განაცხადი სააბონენტო ნომრის პორტირებაზე

თარიღი []

QR-კოდი (eSim-ს შემთხვევაში)

მხარეები:	ოპერატორი	აბონენტი
სახელი/სახელწ./ UID:	შპს “მაგთიკომი”,	
საიდ./პირადი N	204876606	
საკონტაქტო ტელ.:	(995 32) 217 00 00, 110011 (ცხელი ხაზი)	
საკონტაქტო ელ.ფოსტა:	office@magticom.ge	

ოპერატორის:

მისამართი:	ქ. თბილისი, 0186, ა. პოლიტკოვსკაიას #7
საბანკო რეკვიზიტები:	GE96TB060000899467899; GE66BG000000241607901; GE81LB0113116112371050

აბონენტის (იურიდიული პირის შემთხვევაში ან თუ ფიზიკური პირის სახელით ხელმომწერი სხვა პირია) უფლებამოსილი წარმომადგენლის მონაცემები:

სახელი	გვარი	პირადი ნომერი

სააბონენტო ნომერი _____
 სიმ-ბარათი ნომერი _____
 საკონტაქტო ნომერი (ასეთის არსებობისას): _____
 დონორი ოპერატორი: _____
 სიმ-ბარათის ტიპი [ფიზიკური ან eSim] _____
 პორტირების თარიღი [-----]

ამ განცხადების წარდგენით მომხმარებელი ადასტურებს, რომ გაეცნო და ეთანხმება „მაგთიკომის“ მიერ დადგენილ სააბონენტო ნომრის პორტირების წესებსა და პირობებს.

1. სააბონენტო ნომრის პორტირება

ქვემოთ მოცემულ ტერმინებს გააჩნიათ შემდეგი მნიშვნელობა:

- 1.1 **მომხმარებელი/აბონენტი** – ამ განაცხადში მითითებული, პორტირების მსურველ პირი.
- 1.2 **პორტირება** – სააბონენტო ნომრის გადატანა დონორი ოპერატორის საკომუნიკაციო ქსელიდან მიმღებ ოპერატორის საკომუნიკაციო ქსელში, სააბონენტო ნომრის შეცვლის გარეშე.
- 1.3 **დონორი ოპერატორი** – საკომუნიკაციო ქსელის ოპერატორი, ან სატელეფონო მომსახურების მიმწოდებელი, რომლის ქსელიდანაც მომხმარებელი ითხოვს სააბონენტო ნომრის პორტირებას ან/და რომლის მომსახურებასაც ღებულობდა მომხმარებელი.
- 1.4 **მიმღები ოპერატორი** – საკომუნიკაციო ქსელის ოპერატორი, ან სატელეფონო მომსახურების მიმწოდებელი, რომლის საკომუნიკაციო ქსელშიც სააბონენტო ნომრის პორტირება სურს მომხმარებელს.
- 1.5 **სამუშაო დრო** – 9:00 საათიდან 18:00 საათამდე, კანონმდებლობით გათვალისწინებული უქმე, დასვენების დღეების და შაბათ-კვირის გარდა.
- 1.6 **სამუშაო დღე** - ნებისმიერი დღე კანონმდებლობით გათვალისწინებული უქმე, დასვენების დღეების და შაბათ-კვირის გარდა.

2. პორტირების ზოგადი პირობები

- 2.1 დონორი ოპერატორიდან მაგთიკომის საკომუნიკაციო ქსელში პორტირება ხორციელდება განაცხადის საფუძველზე, წინამდებარე წესებისა და პირობების („პორტირების პირობების“) და კანონმდებლობის, მათ შორის „სააბონენტო ნომრების პორტაბელურობის“ დებულების, შესაბამისად.
- 2.2 პორტირებაზე უარის თქმის შემთხვევაში, მაგთიკომი დასაპორტირებელ ან საკონტაქტო ნომერზე აცნობებს მომხმარებელს პორტირებაზე უარის თქმის მიზეზს. უარის თქმის მიზეზების აღმოფხვრის შემდეგ, მომხმარებელი უფლებამოსილია განმეორებით მიმართოს მაგთიკომს პორტირების განაცხადით. პორტირებაზე უარის თქმის შემთხვევაში, შეძენილი ფიზიკური სიმ-ბარათი რჩება მომხმარებლის საკუთრებაში. სიმ-ბარათში ან საფოსტო მომსახურებაში გადახდილი საფასური უკან არ ბრუნდება.
- 2.3 პორტირების პროცესის მიმდინარეობისას შესაძლებელია მომხმარებელს შეუწყდეს მომსახურება, რომლის მაქსიმალური ჯამური ხანგრძლივობა არ უნდა აღემატებოდეს 3 საათს. მაგთიკომი არ არის პასუხისმგებელი

- მომსახურების ასეთ შეწყვეტაზე და ეს გარემოება არ წარმოადგენს მომხმარებლის მხრიდან რაიმე სახის თანხის (კომპენსაციის) ან ზიანის ანაზღაურების მოთხოვნის საფუძველს.
- 3.4 წინამდებარე განაცხადი წარმოადგენს სააბონენტო ხელშეკრულების (შემდგომში - სააბონენტო ხელშეკრულება) გაფორმების საფუძველს და მის განუყოფელ ნაწილს. ხელშეკრულება და განაცხადი ფორმდება (დისტანციურად გამოხატული თანხმობით ან მატერიალურ ან ელ. დოკუმენტზე აბონენტის ხელმოწერით) ერთდროულად, იმ დათქმით, რომ სააბონენტო ხელშეკრულება ძალაში შედის მხოლოდ ნომრის პორტირების პროცესის წარმატებით დასრულების შემდეგ.
3. **პორტირების მოთხოვნები**
- 3.1 აბონენტისათვის ცნობილია, რომ პორტირების განხორციელებიდან 30 დღის გასვლამდე იგი ვერ განახორციელებს სხვა ქსელში პორტირებას.
- 3.2 განაცხადს ხელი უნდა მოაწეროს/დაადასტუროს მხოლოდ უფლებამოსილმა პირმა. უფლებამოსილ პირში იგულისხმება სააბონენტო ნომრის მართლზომიერი მფლობელი, რომელსაც გაფორმებული აქვს ხსაბონენტო ელშეკრულება დონორ ოპერატორთან, რომელიც დასტურდება დონორი ოპერატორის მიერ რეგისტრირებული მონაცემებით ან მართლზომიერი მფლობელის მინდობილი პირი.
- 3.3 პორტირება განხორციელდება განაცხადის რეგისტრაციიდან მომდევნო სამუშაო დღეს. იმ შემთხვევაში, თუ სააბონენტო ნომრის პორტირება უკავშირდება მაგთიკომის დაშვებას მომხმარებლის სახაზო-საკაბელო წველითან/მეურნეობასთან VOIP-ინტერნეტ პროტოკოლით ხმოვანი სატელეფონო კავშირით მომსახურებისთვის განსაზღვრული სატელეფონო ნომრების პორტირებას, ამ პუნქტის პირველ წინადადებაში გათვალისწინებული პორტირების ვადას შესაძლებელია დაემატოს 7 სამუშაო დღე.
- 3.4 მომხმარებელს უფლება აქვს უარი განაცხადოს პორტირებაზე მაგთიკომთან შესაბამისი განაცხადის წარდგენით, პორტირებისათვის განსაზღვრულ დრომდე უგვიანეს 1 საათით ადრე, ამასთან პორტირებაზე უარის შესახებ განაცხადის წარდგენა უნდა განხორციელდეს იმ ფორმით, რა ფორმითაც იქნა წარდგენილი განაცხადი. მაგთიკომი არ არის პასუხისმგებელი, თუ სააბონენტო ნომრის პორტირების განაცხადის გაუქმება შეუძლებელია მისგან დამოუკიდებელი მიზეზით (მაგ.: პორტირების ბაზის ადმინისტრატორის მიზეზით).
- 3.5 ვინაიდან, მაგთიკომი სრულად და დამოუკიდებლად არ ახორციელებს პორტირების პროცესს, იგი არ/ვერ იძლევა გარანტიას, რომ პორტირება განხორციელდება ზუსტად განაცხადში მითითებულ დროს. პორტირების განაცხადის დაკმაყოფილების შემთხვევაში, მაგთიკომი აცნობებს მომხმარებელს პორტირების განხორციელების დროს.
- 3.6 მომხმარებლის მიერ პორტირებულ ნომერზე დონორი ოპერატორთან არსებული დავალიანების არ გადახდის შემთხვევაში, მაგთიკომს უფლება აქვს შეუზღუდოს მას მომსახურების მიწოდება.
- 3.7 მაგთიკომის საკომუნიკაციო ქსელში პორტირების განაცხადის საფუძველზე პორტირება არ განხორციელდება თუ:
- 3.7.1 განაცხადში მითითებული ინფორმაცია აღმოჩნდება არასრული, უზუსტო, ყალბი, მცდარი, ან/და არ შეესაბამება განაცხადში მითითებულ ნომერთან დაკავშირებით, დონორ ოპერატორთან შენახულ/რეგისტრირებულ ინფორმაციას;
- 3.7.2 სააბონენტო ნომერი, რომლის პორტირებასაც ითხოვს მომხმარებელი ეკუთვნის სხვა პირს და მომხმარებელს არ აქვს მიღებული შესაბამისი უფლებამოსილება განახორციელოს პორტირება ან განაცხადი წარდგენილია არაუფლებამოსილი პირის მიერ ან/და სააბონენტო ნომრის მფლობელი დაუდგენელია;
- 3.7.3 მომხმარებელს წარდგენილი აქვს განაცხადი იგივე სააბონენტო ნომრის სხვა მიმღებ ოპერატორთან პორტირების თაობაზე;
- 3.7.4 განაცხადში განსაზღვრული სააბონენტო ნომრის ადებიდან (აბონენტად გახდომიდან) ან ნომრის უკანასკნელი პორტირებიდან არ გასულა 30 კალენდარული დღე;
- 3.7.5 მომხმარებელს, იმ სააბონენტო ნომერზე, რომლის პორტირებასაც ითხოვს, დონორი ოპერატორისგან მიღებულ მომსახურებაზე გააჩნია წინა თვის/თვეების დავალიანება, ანდა დავალიანების გამო შეზღუდული აქვს მომსახურების მიწოდება;
- 3.7.6 განაცხადში განსაზღვრული სააბონენტო ნომრის პორტირება შეუძლებელია და ეს გამოწვეული არ არის მაგთიკომის მიზეზით;
- 3.7.7 არსებობს კანონმდებლობით გათვალისწინებული სხვა შემთხვევა.
- 3.8 მაგთიკომის საკომუნიკაციო ქსელში სააბონენტო ნომრის პორტირებისას მომხმარებელი აცნობიერებს და ადასტურებს, რომ:
- 3.8.1 პორტირების პროცესის დასრულების შემდეგ ხდება მხოლოდ მისი სააბონენტო ნომრის გადმოტანა მაგთიკომის ქსელში და მობილური საკომუნიკაციო მომსახურების მისაღებად მომხმარებელმა უნდა იმოქმედოს სააბონენტო ხელშეკრულებით დადგენილი პირობებით;
- 3.8.2 თავად არის დონორ ოპერატორთან არსებულ სახელშეკრულებო ვალდებულებების შესრულებაზე პასუხისმგებელი
- 3.8.3 მაგთიკომის მობილურ ქსელში ჩართვის უზრუნველსაყოფად აუცილებელია დონორი ოპერატორის მიერ გამოყოფილი სიმ-ბარათის გამოცვლა მაგთიკომის მიერ გადაცემული სიმ-ბარათით;
- 3.8.4 ის სააბონენტო მოწყობილობა, რომელსაც მომხმარებელი იყენებდა დონორი ოპერატორის მიერ შეთავაზებული მომსახურების მისაღებად, შესაძლებელია იყოს კოდირებული ან/და ფუნქციონალურად არათავსებადი, შეუსაბამო ან/და საჭიროებდეს პარამეტრების განახლებას მაგთიკომის მიერ განსაზღვრული

მომსახურების მისაღებად და შესაბამისად შესაძლოა მომხმარებელმა სრულად ვერ შეძლოს ან შეფერხებით ან არასრულად შეძლოს მომსახურების მიღება;

3.8.5 პასუხისმგებელია განაცხადში მითითებული ინფორმაციის სიზუსტესა და უტყუარობაზე. განაცხადში მითითებული ინფორმაცია წარმოადგენს მაგთიკომთან ხელშეკრულების გაფორმების საფუძველს და იმ შემთხვევაში, თუ აღმოჩნდა, რომ მომხმარებლის მიერ განაცხადში მითითებული ინფორმაცია არის არასრული, უზუსტო, ყალბი, მცდარი ან განაცხადი წარმოდგენილია არაუფლებამოსილი პირის მიერ, აღნიშნული წარმოადგენს მაგთიკომთან გაფორმებული ხელშეკრულების შეწყვეტის საფუძველს.

მობილური საკომუნიკაციო მომსახურების სააბონენტო ხელშეკრულება

სააბონენტო ნომერ(ებ)ი, სიმ-ბარათი ნომერ(ებ)ი, მათი სახეობა და მიზნობრიობა მითითებულია დანართში.

1. ოპერატორი გაუწევს აბონენტს მობილურ საკომუნიკაციო მომსახურებას. ოპერატორი დაარეგისტრირებს აბონენტს ფიზიკური სიმ-ბარათის ან E-Sim-ს საშუალებით. მომსახურების მიწოდება დაიწყება ხელშეკრულების ძალაში შესვლის და სააბონენტო ანგარიშზე თანხის შეტანის ან მომსახურების პაკეტის შექმნიდან (გააქტიურებიდან) არაუგვიანეს 24 საათში.

2. მომსახურების მიწოდება ხორციელდება: 1. წინამდებარე დოკუმენტის; 2 „მომსახურების მიწოდების სტანდარტული პირობების“, 3. „ძირითადი მობილური საკომუნიკაციო მომსახურების სააბონენტო ხელშეკრულების“; 4. „კონფიდენციალურობის პოლიტიკის“ და 5. „კეთილსინდისიერი სარგებლობის წესების“ საფუძველზე. ჩამოთვლილი დოკუმენტები, წინამდებარე დოკუმენტთან ერთად წარმოადგენენ ერთიან (მთლიან) მობილური საკომუნიკაციო მომსახურების სააბონენტო ხელშეკრულებას (შემდგომი - ხელშეკრულება). აღნიშნული დოკუმენტები განთავსებულია ოპერატორის ვებგვერდზე (www.magticom.ge) და ხელშეკრულების ხელმოწერის შემდგომ იგი ხელმისაწვდომი გახდება პორტალზე აბონენტის რეგისტრაციისთანავე. აბონენტის სათანადო სურვილის და ელ. ფოსტის მითითების შემთხვევაში ხელშეკრულება იგზავნება აბონენტის ელ. ფოსტაზე. პორტალზე აბონენტის რეგისტრაცია ხორციელდება სააბონენტო ნომერზე გაგზავნილი მოკლე ტექსტური შეტყობინების საფუძველზე.

გაფრთხილება! აბონენტი წინამდებარე დოკუმენტზე ხელმოწერით ადასტურებს, რომ სრულად გაეცნო და ეთანხმება მეორე პუნქტში მითითებულ ყველა დოკუმენტს. შესაბამისად, ხელმოწერის განხორციელებამდე, თუ აბონენტი არ არის გაცნობილი ჩამოთვლილ დოკუმენტებს, იგი ვალდებულია სათანადოდ გაეცნოს მათ და მხოლოდ ამის შემდეგ განახორციელოს ხელმოწერა. ამასთან, აბონენტს უფლება აქვს მაგთიკომის წარმომადგენლისაგან მოითხოვოს დოკუმენტების გაცნობა მისთვის სასურველი ფორმით, მათ შორის, ფიზიკურად (ნაბეჭდი სახით) გადაცემა.

3. ოპერატორი და აბონენტი თანხმდებიან, რომ ელექტრონული დოკუმენტების გაფორმებისას (ხელმოწერისას) გამოიყენებენ ოპერატორის კუთვნილ ხელმოწერის ტაბლეტს. აბონენტი ადასტურებს, რომ იგი გაცნობილია და ეთანხმება ოპერატორის „შეთანხმებას ელექტრონული ხელმოწერის გამოყენებაზე“, რაც განთავსებულია ოპერატორის ვებგვერდზე - www.magticom.ge.

4. მხარეები თანხმდებიან, რომ მომსახურების/დამატებითი სერვისის მიღებისას, ოპერატორის მიერ შეთავაზებული ფორმით/პირობებით (მათ შორის, მოკლე ტექსტური შეტყობინება, USSD, პორტალი, კოდური სიტყვა, ტაბლეტზე ხელმოწერა) აბონენტის მხრიდან ნების გამოვლენა: პორტალიდან, სააბონენტო ნომრიდან/საკონტაქტო ნომრიდან/ელ.ფოსტიდან ან აბონენტის მიერ ნებისმიერ სხვა ფორმით განხორციელებული დასტური უთანაბრდება მის მიერ გამოხატულ თანხმობას კონკრეტულ გარიგებაზე/ქმედებაზე. აბონენტის მიერ ხელმოწერის ტაბლეტით ან სხვა სახით დადასტურებას და ამ საშუალებით შექმნილ ელექტრონულ დოკუმენტს ენიჭება/აქვს იგივე იურიდიული ძალა, რაც მის პირად ხელმოწერას და მატერიალურ დოკუმენტს.

5. **ოპერატორი აბონენტის იდენტიფიცირების და მისთვის მომსახურების გაწევის მიზნით, ხელშეკრულების გაფორმების შემდგომ მოახდენს აბონენტის შესახებ პერსონალური მონაცემების, რაც, მათ შორის, გულისხმობს: აბონენტის ვინაობის, პირადი ნომრის, მისამართის, კომუნიკაციის მაიდენტიფიცირებელი მონაცემების და სხვა ინფორმაციის დამუშავებას. ამ ხელშეკრულებაზე ხელმოწერით აბონენტი აცხადებს თანხმობას, რათა მისი პერსონალური მონაცემები დამუშავდეს ოპერატორის მიერ, ისევე როგორც გადამოწმდეს შესაბამის კომპეტენტურ სახელმწიფო ორგანოს/პირის მონაცემთა ბაზაში. აბონენტს უფლება აქვს ოპერატორისათვის მიმართვის გზით გამოიხმოს აღნიშნული თანხმობა ნებისმიერ დროს, რამაც შეიძლება გამოიწვიოს მისთვის ცალკეული მომსახურების ან/და ხელშეკრულების შეწყვეტა. ამასთან, აბონენტი თანახმაა, რომ ელექტრონული ხელმოწერის განსახორციელებლად გამოყენებული სისტემების ფუნქციონირებისათვის, მათ შორის, ელექტრონული ხელმოწერის ავთენტურობის და უტყუარობის დასადგენად, ოპერატორი უფლებამოსილია თავად ან/და მესამე პირის მეშვეობით განახორციელოს აბონენტის პერსონალური მონაცემების დამუშავება, რაც ასევე გულისხმობს აბონენტის თანხმობას მისი ბიომეტრიული მონაცემების (ხელმოწერის) დამუშავებაზე.**

6. **ტარიფები.** ფიზიკური სიმ-ბარათის ღირებულება - 10 ლ. E-Sim-ის აქტივაცია - 10 ლ. მომსახურების სტანდარტული ტარიფები: ხმოვანი ზარი საქ.-ს მობილურ და ფიქსირებულ ქსელში - 1 წუთი - 0.24 ლ და ზარის წამოწყება 0.12 ლ; SMS (საქ.) - 0.06 ლ. ინტერნეტი - 1მბ - 0.1ლ. სტანდარტული და სხვა სატარიფო გეგმების/აქციების, მათ შორის დამატებითი სერვისების, საერთაშორისო ზარების, როუმინგის, „სპეც. ნომრების“ ტარიფები და პირობები მოცემულია ოპერატორის

ვებგვერდზე; მომსახურების ტარიფები WiFi მოდემისთვის: 30 დღიანი მაღალსიჩქარიანი ინტერნეტით სარგებლობის ღირებულება 29 ლ (შემდგომში - WiFi პაკეტი). ამასთან, თუ WiFi პაკეტის მოქმედების 30 დღიანი ვადის ამოწურვამდე, აბონენტი შეიძენს იგივე WiFi პაკეტს, ახალი პაკეტის მოქმედების ვადა არ გადაიწვეს და იმოქმედებს წინა WiFi პაკეტის ყიდვიდან 30 დღის განმავლობაში. 50 000 მეგაბაიტის მოხმარების შემთხვევაში ინტერნეტის სიჩქარე იქნება მაქსიმუმ 300 კბ/წმ.; მაქსიმალური სიჩქარე - 5მბ/წმ. აბონენტი უფლებამოსილია მისი შეხედულებისამებრ, ოპერატორის მიერ განსაზღვრული ფორმით/პირობებით, გააქტიუროს/შეიძინოს ოპერატორის მიერ შეთავაზებული ტარიფი/პაკეტი.

7. ხელშეკრულება ძალაში შედის მხარეთა მიერ მისი ხელმოწერის (ფიზიკურად ან ტაბლეტზე განხორციელებული ხელმოწერა) საფუძველზე და მოქმედებს მის შეწყვეტამდე. თუ ხელშეკრულება ფორმდება ნომრის პორტირების საფუძველზე, იგი ძალაში შედის ნომრის პორტირების პროცესის წარმატებით დასრულების შემდეგ.

8. თუ წინამდებარე ხელშეკრულების გაფორმების დროს, მხარეებს შორის უკვე არსებობს მობილურ მომსახურებაზე გაფორმებული ხელშეკრულება ან ხელშეკრულებები, წინამდებარე ხელშეკრულება ჩაანაცვლებს ყველა მათგანს, თუმცა აღნიშნული არ გულისხმობს: ა) აბონენტის სახელზე უკვე რეგისტრირებული ნომრ(ებ)ის ცვლილებას; ბ) კონკრეტულ სააბონენტო ნომრებზე აბონენტის მიერ არჩეული ტარიფის ცვლილებას; გ) სააბონენტო ნომრის/ნომრებით სარგებლობის მიზნობრიობის ცვლილებას. ამასთან, ამ შეთანხმების გათვალისწინებით, აბონენტი ადასტურებს ოპერატორის უფლებამოსილებას, გაანადგუროს ამ ხელშეკრულების დადებამდე აბონენტთან მობილურ მომსახურებაზე გაფორმებული, მისი ხელმოწერით დადასტურებული ან მასთან დაკავშირებული ნებისმიერი სხვა დოკუმენტი/ინფორმაცია/მონაცემი.

9. აბონენტი ადასტურებს, რომ სრულად გაეცნო და ზუსტად აღიქვამს ამ ხელშეკრულების პირობებს/შინაარსს, სამართლებრივ შედეგებს და იგი სრულად შეესაბამება მის ნებას (ეთანხმება მას). ამასთან, მის მიერ ნების გამოვლენა მოხდა ხელშეკრულების პირობის შინაარსის გონივრული განსჯის შედეგად და არა მარტოდენ სიტყვა-სიტყვითი მნიშვნელობიდან.

10. აბონენტი საკუთარი ხელმოწერით ადასტურებს ხელშეკრულებაში მის მიერ მითითებული საკონტაქტო მონაცემების ნამდვილობას და სისწორეს. იმ შემთხვევაში, თუ აბონენტის მიერ მითითებული პერსონალური მონაცემები (სახელი, გვარი, პირადი ნომერი) აღმოჩნდება არასწორი, ოპერატორი უფლებამოსილია ასეთი ფაქტის დადგენისთანავე ყოველგვარი გაფრთხილების გარეშე შეწყვიტოს ხელშეკრულება/მომსახურება.

აბონენტი ხელმოწერით და შესაბამისი აღნიშვნით ადასტურებს ხელშეკრულების გადაცემის მისთვის სასურველ ფორმას, რაც გულისხმობს, რომ აბონენტის მიერ არჩეული ფორმა არის აბონენტისათვის საუკეთესო საშუალება, რათა მას ნებისმიერ დროს ჰქონდეს ხელმისაწვდომობა ოპერატორის მიერ მისთვის გადაცემულ ხელშეკრულებაზე (მის სრულ შინაარსზე):
 ფიზიკურად ნაბეჭდი სახით ; ელექტრონულად - ელ. ფოსტის საშუალებით ; ელექტრონულად - პორტალის (mymagti) საშუალებით ; მოკლე ტექსტური შეტყობინების საშუალებით .

ხელმოწერები:

ოპერატორის წარმომადგენელი

აბონენტი/უფლებამოსილი პირი

მობილური საკომუნიკაციო მომსახურების სააბონენტო ხელშეკრულების დანართი

სააბონენტო ნომერი	სიმ-ბარათის ნომერი	სიმ-ბარათის სახეობა	სიმ-ბარათის გამოყენების მიზნობრიობა
XXXXXXXXXXXX	XXXXXXXXXXXX	ფიზიკური/eSim	სტანდარტული/მოდემი - M2M-IoT